



Broj: 16-12-16-2-3783- 6 /16
I. Sarajevo, 23.06. 2016. godine

Na osnovu člana 8. stav (2) tačka h) Zakona o Državnoj agenciji za istrage i zaštitu („Službeni glasnik BiH”, br. 27/04, 63/04, 35/05, 49/09 i 40/12), člana 70. st. (1), (2), (3) i (6) Zakona o javnim nabavkama („Službeni glasnik BiH”, broj 39/14), na preporuku Komisije I za nabavke za potrebe Državne agencije za istrage i zaštitu u 2016. godini, broj 16-12-16-2-3783/16 od 22.06.2016. godine, u postupku javne nabavke fotografske opreme za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača po konkurentskom zahtjevu za dostavljanje ponuda za javnu nabavku fotografske opreme za potrebe Državne agencije za istrage i zaštitu

Član 1.

Prihvata se preporuka Komisije I za nabavke za potrebe Državne agencije za istrage i zaštitu u 2016. godini broj 16-12-16-2-3783/16 od 22.06.2016. godine i ugovor za javnu nabavku fotografske opreme, za potrebe Državne agencije za istrage i zaštitu dodjeljuje se za:

- a) LOT 1 – nabavka 5 Profesionalnih digitalnih fotoaparata i pet objektiva za digitalni fotoaparat sa dodatnom opremom ponuđaču „MIT-ALEX“ d.o.o. Tuzla, ponuda broj 16-12-16-2-3783-4/16 od 14.06.2016. godine, za ponudenu cijenu od 32.287,60 KM, bez uračunatog PDV-a;
- b) LOT 2 - nabavka 5 Digitalnih video kamera sa dodatnom opremom, ponuđaču „MIT-ALEX“ d.o.o. Tuzla, ponuda broj 16-12-16-2-3783-4/16 od 14.06.2016. godine, za ponudenu cijenu od 4.265,00 KM, bez uračunatog PDV-a;

Član 2.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na internetskoj stranici Državne agencije za istrage i zaštitu.

Član 3.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 4.

Ova odluka stupa na snagu danom donošenja.

Obrazloženje

Postupak javne nabavke fotografske opreme za potrebe Državne agencije za istrage i zaštitu (u daljem tekstu: Agencija) pokrenut je Odlukom direktora Agencije broj 16-12-16-2-3783-1/16 od 31.05.2016, procijenjene vrijednosti 38.460,00 KM, bez uračunatog PDV-a, za što su novačana sredstva predviđena u okviru budžetskih sredstava za 2016. godinu. Postupak javne nabavke proveden je putem Konkurentskog zahtjeva, za koji je obavještenje o nabavci objavljeno na Portalu javnih nabavki broj 1161-7-1-468-3-29/16 od 06.06.2016. godine.

Predmet javne nabavke podjeljen je na LOT-ove, kako slijedi:

- LOT 1- Profesionalni digitalni fotoaparati i objektiv za digitalni fotoaparati sa dodatnom opremom:

- Profesionalni digitalni fotoaparati - 5 komada sa dodatnom opremom:

- Futrola/torbica namjenjena za nošenje profesionalnog digitalnog fotoaparata i objektiv - 5 komada,

- Memorijska kartica SD/SDHC/SDXC minimalno 16 GB - 5 komada;

- Objektiv za digitalni fotoaparati 5 komada sa dodatnom opremom:

- Futrola/Torbica za objektiv - 5 komada,

procijenjene vrijednosti 34.190,00 KM, bez uračunatog PDV-a;

- LOT 2 - Digitalna video kamera - 5 komada sa dodatnom opremom:

- Futrola/torbica za smještaj kamere - 5 komada;

- Dodatna litijum-jonska baterija BP-727 - 5 komada,

procijenjene vrijednosti 4.270,00 KM, bez uračunatog PDV-a.

Komisije I za nabavke za potrebe Agencije u 2016. godini (u daljem tekstu: Komisija) dostavila je Izvještaj o radu broj 16-12-16-2-3783/16 od 22.06.2016. godine sa preporukom o izboru najpovoljnijeg ponuđača u postupku javne nabavke fotografske opreme za potrebe Agencije.

Obzirom da je tačkom 6. Konkurentskog zahtjeva navedeno da je rok za dostavljanje ponuda 14.06.2016. godine do 13,00 sati, te da se ponude dostavljaju u zatvorenoj koverti, Komisija je dana 14.06.2016. godine u 14,00 sati izvršila javno otvaranje ponuda prema datumu i vremenu prijema.

Blagovremeno su dostavljene dvije ponude i to:

Redni broj	Naziv ponuđača	LOT	Vrijednost ponude (bez PDV-a)
1.	„ROBERT'S PLUS“ d.o.o. Sarajevo	LOT 1	21.450,95 KM
		LOT 2	4.883,15 KM
2.	„MIT-ALEX“ d.o.o. Tuzla	LOT 1	32.287,60 KM
		LOT 2	4.265,00 KM

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon), sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima.

Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Konkurentskom zahtjevu.

Komisija je utvrdila da ponuđači „ROBERT'S PLUS“ d.o.o. Sarajevo i „MIT-ALEX“ d.o.o. Tuzla ispunjavaju kvalifikacione uslove u pogledu njihove lične sposobnosti,

sposobnosti obavljanja profesionalne djelatnosti, ekonomske i finansijske sposobnosti, te da navedeni ponuđači ispunjavaju i formalno-pravne uslove postavljene u Konkurentskom zahtjevu.

U cilju ocjene tehničkih uslova navedenih u Konkurentskom zahtjevu, Komisija je od Sektora za operativnu podršku aktom broj 16-12-16-2-3783/16 od 14.06.2016. godine, tražila da na osnovu uvida u pristigle ponude za LOT 1 i LOT 2, dostavi detaljno stručno mišljenje u vezi postavljenih tehničkih uslova, da li ponuđena oprema u svemu zadovoljava tehničke uslove postavljene u Konkurentskom zahtjevu. Sektor za operativnu podršku je aktom od 15.06.2016. godine utvrdio da ponuda ponuđača „MIT-ALEX“ d.o.o. Tuzla za LOT 1 i LOT 2 zadovoljava tehničke uslove postavljene Konkurentskim zahtjevom, dok ponuda ponuđača „ROBERT'S PLUS“ d.o.o. Sarajevo za LOT 2 ispunjava tehničke uslove postavljene Konkurentskim zahtjevom, a za LOT 1 za stavku Objektiv za digitalni fotoaparatus ne ispunjava tehničke uslove postavljene Konkurentskim zahtjevom.

Naime, uvidom u ponudu ponuđača „ROBERT'S PLUS“ d.o.o. Sarajevo za LOT 1 Sektor za operativnu podršku je utvrdio da navedeni ponuđač nije dostavio traženi objektiv za digitalni fotoaparatus, odnosno da nije dostavio traženi objektiv sa svim tehničkim karakteristikama kako je traženo Konkurentskim zahtjevom.

Naime, prema stručnom mišljenju Sektora za operativnu podršku tačkom 2. Konkurentskog zahtjeva uvrđeno je da tehničke karakteristike ponuđenog objektivusa ne odgovaraju tehničkim karakteristikama iz tačke 2. Konkurentskog zahtjeva iz razloga što je traženo da:

- Struktura objektivusa (elementi/grupe) bude minimalno 21/19, a struktura ponuđenog objektivusa za profesionalni digitalni fotoaparatus kod navedenog ponuđača je 11/9;
- Broj krilaca blende bude minimalno 9, a broj krilaca blende ponuđenog objektivusa za profesionalni digitalni fotoaparatus kod navedenog ponuđača je 8;
- Minimalni otvor blende bude 32-38 (40), a minimalni otvor blende ponuđenog objektivusa za profesionalni digitalni fotoaparatus kod navedenog ponuđača je 22;
- Najmanja razdaljina za fokusiranje bude (m) 0.98, a najmanja razdaljina pri izoštravanju ponuđenog objektivusa za profesionalni digitalni fotoaparatus kod navedenog ponuđača jest 0.3;
- Maksimalno uvećanje bude (x)0,31 (pri 400 mm), a maksimalno uvećanje ponuđenog objektivusa za profesionalni digitalni fotoaparatus kod navedenog ponuđača je 0.18;
- Prečnik filtera bude minimalno (mm) 77, a prečnik filtera ponuđenog objektivusa za profesionalni digitalni fotoaparatus kod navedenog ponuđača je (mm) 72.

Uvažavajući stručno mišljenje Sektora za operativnu podršku, Komisija nije dalje razmatrala niti vrednovala ponudu ponuđača „ROBERT'S PLUS“ d.o.o. Sarajevo.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene ponude iz tačke 9.1. Konkurentskog zahtjeva, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

Redni broj	LOT	Naziv ponuđača	Vrijednost ponude (bez PDV-a)
1.	LOT 1	„MIT-ALEX“ d.o.o. Tuzla	32.287,60 KM
2.	LOT 2	„MIT-ALEX“ d.o.o. Tuzla „ROBERT'S PLUS“ d.o.o. Sarajevo	4.265,00 KM 4.883,15 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača „MIT-ALEX“ d.o.o. Tuzla ocijenjena kao najpovoljnija za LOT 1 i LOT 2, ista ne podliježe primjeni preferencijalnog tretmana domaćeg.

Shodno navedenom, prihvaćen je prijedlog Komisije i odlučeno da se ugovor o javnoj nabavci dodijeli, za LOT 1 i LOT 2 ponuđaču „MIT-ALEX“ d.o.o. Tuzla, a kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od pet dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x,
- Sektoru za mat.-fin. poslove,
- a/a.

